

光緒重修安徽通志

重修安徽通志卷三十四

輿地志

風俗

漢志云繫水土者謂之風隨君上者謂之俗古者太史陳詩以觀民風命市納賈以觀民之所好惡由來久矣安徽水深土厚習尚敦龐

聖朝教澤涵濡禮陶樂淑生其間者固已詠仁而蹈德自粵捻交訌以來皖南北之民以忠義節烈稱者史不絕書風俗之美本於沐浴教化之深也今軍事告蕲民氣日復和親康樂安平爲一書於以徵

邳治同風之盛焉述輿地志風俗

安慶府

江南之氣躁勁厥性輕揚

晉書地理志揚州凡引史文分屬各府今姑仍之

按舊通志

人性躁勁風氣果決其舊風然也自平陳後俗尚純質好儉約

喪祀婚姻率漸以禮

隋書地理志

土壤膏沃人性輕揚善商賈廛里饒富

宋史地理志

風俗清美天性忠義

元余闕記

民勤而壤沃俗儉而事簡

元歐陽元望江學碑

風土清美有粳稻之饒

圖經

安慶人物忠敢不愧於古懷甯易桐城達望江懋潛山毅太湖

諍徧松直大抵江北風氣近厚故其習尚多類中州

明胡宗績記

六皖山川美贍絃誦力本其禮教信義聞之熟矣

府志

### 徽州府

地襟甌駱性剛強君子務爲奇節高行而羞不義異才間出

宋朱

子新安  
道院記

休甯山峭厲而水清潔故稟其氣者性情習尙不能不過剛而

喜鬪然其俗難以力服而易以理勝

朱子新安道院記

自昔多以材力保障鄉土其後寢有文士山限壤隔民不染他

俗勤於山伐能耐寒暑惡衣服

淳熙志

地隘人稠力耕所出不足以供往往仰給於四方

江南通志按此舊志所

引檢江南通志無

大江之東以郡名者十而士之慕學新安爲最新安之地以縣

名者六而邑小士多以績溪爲最

舊志

父老嘗謂新安有數種風俗勝於他邑千年之冢不動一抔干

丁之族未嘗散處千載之譜絲毫不紊主僕之嚴雖數十世不

改而宵小不敢肆焉

舊志

山多田少以貨殖爲恆產善識低昂時取與賈之所入視傍郡

倍厚其家居也樸嗇而務積蓄女人尤稱勤儉多貞潔府志

家多故舊自唐宋來數百年世系比比皆是重宗義講世好上

下六親之施村落家構祠宇歲俎豆其閒府志

冠冕之倫多尙氣節矜取予有唐風瞿瞿之意畢懋康里居四則

績溪隸於徽而田疇不逮婺源不逮休歙乾隆志

文宗顯皇帝諭旨黟縣各都鄉民深明大義咸豐五年黟縣志

### 甯國府

民食魚稻以漁獵山伐爲業飲食還給不憂凍餓亦無千金之

家漢書地理志按漢志文在楚地下舊志引入甯國府

川澤沃衍有陸海之饒其人君子尙禮庸庶敦龐故風俗澄清

而道教隆治其風氣所尙也隋書地理志

舟車繁會之鄉風俗和柔之境

唐尉遲樞新  
安禪院記

陵陽與壤土廣人庶其地有險所寄非輕

唐白居易  
易制

地產氣序之平夷江漢岡巒之襟帶

唐陳勢大  
甯塔記

宣州故秦郢郡其俗佻而侈其人勁而悍有裴耀卿者爲刺史

端本重學宣人始服化矣

唐陳簡甫開  
元良吏記

阻山帶江顏謝流風

王  
海

東南自古非用武之地大率民俗阜安不樂攻剽號爲淳而易

治

宋周紫芝移  
宣城縣治記

淳雅尙義

宋謝諤南陵  
永豐陂記

深山窮谷之間風聲氣習爭尙簡樸

宋徐鉉旌  
德縣學記

淳古易治民相安於無事

宋邵康旌  
德縣學記

地狹山多縣庭簡訟

宋李瞻旌  
德縣壁記

田土礱确民無蓋藏

宋趙必法平糶記

地廣而僻人質而文

元梅震記

古稱氣勁躁性輕揚自永嘉之後衣冠避難多萃江左藝文儒

術斯之爲盛蓋因顏謝徐庾之風焉

明劉棻成化志

山水清勝民俗敦樸自昔多秀民

明楊濟南陵進士題名記

甯之民士敦樸有適道之資

明鄒守益縣學記

邑介黃山麻川之間其鍾於人小人則好剛使氣喜以訟勝君

子則勁節自遂不爲不義屈

崔涯眾樂亭記

### 池州府

民淳氣和眾貨畢給雖人物稠夥而有訟不歸雖租賦浩穰而

聞令必集

宋盛約中和堂記

質而勤業鮮有爲非

明劉天錫忠勤堂記

田土磽瘠民少積蓄樂遊鄉井不事遠遊

廣輿記

其人類野而近淳其俗務本而崇儉

明陳良器東流學記

其地狹而瘠其民寡而貧其風俗多嗇而褊故其好尚務疾耕

力食而以絃誦爲緩

明宋邦輔東流志序

壤地褊小無物產之饒其民自農畝外無商易於四方者故歲

給常不舒卽名鉅家亦無厚蓄

明趙錦錫陵新城記

人性便利喜動以漁獵爲業經生學士文雅彬彬

秋浦志

剛柔旣殊雅俗亦分人志懷刑衣冠濟濟

舊志

大槩士夫崇恬退尚氣節婦女親蠶織工紡績土著之民憚遠

行不事貿遷甘心貧窶以故六邑之利權半歸寄客百家之末

藝盡出遊民矣

舊志

太平府



水耕火耨民食魚稻贏蛤故砦窳而無積聚

漢書地理志按漢志文在楚地下

姑孰饒曠荆河斯擬良田美柘畦畎相望連宇高農阡陌如繡

陳書宣

帝紀詔

其民安其物阜

郡國志見明通志

當塗城跨姑溪井邑雖疏而開豁物產豐懿

宋張舜民南征錄

田利之入倍他壤有餘魚鰕竹葦柿栗之貨足以自資

朱曾鞏纂昌興

造記

姑孰本江東道院民淳不澆

宋洪邁貢院記

其民渾然太樸惟土物是愛故能臧厥心惟本業是崇是以無

末作盡力田畝收功錢鏹其勤苦易足衣食給故多知廉恥習

俗厚故罕事爭角

宋吳淵江東道院賦

士質而靜民儉且淳

宋牟子才七先生祠記

蕪湖首附長河尾距高麓舟車之多貨殖之富衣冠文物之盛

殆與州郡埒

元黃禮記

當塗附郭偏處大江四郊無他產惟稼穡園廬垂竿舉網是務

元黃禮記

當塗土沃民淳號稱易治

王鑑之記

溪山清遠土風淳厚生殖繁多人物穎秀

韓膺甫記

質而不華儉而不侈務耕讀之業絕淫博之風

祝璽記

當塗揚州之地漢時不過一大縣耳地既分則風俗異詎可以

輕揚目之

劉子澄太平圖經

### 廬州府

人性躁勁風氣果決

隋書地理志

封略闊而土田瘠賤商務農

唐羅珣巢縣德政碑記

人物語音風土明茂皆勝淮左諸郡

太平寰宇記引廬江記

俗淳訟簡民勇而好義務農力學嫁娶以時喪葬循禮

元揭傒斯記

風俗淳樸事耕桑崇儉重名務學賢才彙興

舊圖經

其民質直而無二心其俗勤生而無外慕之好其材強悍而無

孱弱可乘之氣

元余闕修城記

山川高深風氣完密有中州質愿之美

元虞集記

人物清修苦節廉介忠義

黃宗載府治記

其民質樸不好爭訟而風俗淳美

王志英序

衣冠文物之懿視昔有加生民俎豆婚嫁於桑梓閒絃誦之聲

接於四境

朱鏞序

其俗樸茂剛健而少文其地衍沃廣袤有水泉之利其民勤力

稼穡而多殷富

明王章記

土厚水深士生其閒剛勁篤實足以任重

楊薄記

風氣果決賦性質樸鮮事工商專務稼穡

廬江古志

人性淳厚好學務本畏犯法而少鬪訟無吳楚勁悍之風

無為州圖

策

鳳陽府

尚淳質好儉約喪紀婚姻率漸於禮

隋書地理志

土壤膏沃有絲帛之利人善商賈廬里饒富多高貨之家

宋史地理志

志

率性真直賤商務農其食秔稻其衣紵布

太平寰宇記

淥水之上江淮之閒惠莊隱士昔所遊處淮南賓客集而著書

流風所被文教並興

宋錢文子修學記

在城務商在野勤穡無告訐之風

濠梁志

俗慕學問才產文武

方輿勝覽

務儉勤農知慕孝行

壽州國經見明統志

土俗儉樸民生淳厚力農務本逐末者少鄉里無爭鬪之習彬

彬然有古之遺風

臨淮記

宿州地闢民聚風俗淳美

宋應奎進士題名記

喜學問從教化

元宿州志明統志

潁州府

汝南之別皆急疾有氣勢

漢書地理志

舊傳其俗傲蕩今則好尚稼穡重於禮文其風皆變於古

隋書地理志

志

豫州之分其人得中和之氣其性安舒其俗阜其人和今俗多

寬慢

太康地記太平寰宇記

民性安舒多衣冠舊族土地褊薄迫於營養洛俗然也汝陰在

二京之交頗同於洛邑

宋史地理志

民淳訟簡而物產美土厚水甘而風氣和

宋歐陽思穎詩序

里巷敦扶持之教男女別飲食之筵

元史地理志

尚氣安愚

風土記

汝潁固多奇士

賁嵩論

人性質樸惟務農桑今則工商交作詞訟簡少俗尚禮義視昔

爲盛

異聞集

風俗清麗人備文武

舊志

平原曠野土壤饒沃水陸四通五達而無崇山峻谷之險阻

舊志

仁厚之俗勤農事惡衣服人皆忠義本於張巡許遠之表率

亳州志

志

滁州

地僻訟簡其俗安閒

宋章衡重修  
醉翁亭記

滁介於江淮之間舟車商賈四方賓客之所不至民生不見外

事而安於畎畝衣食

宋歐陽修  
豐樂亭記

雖風俗淳厚而尚氣節易以德化難以力服

呂元中紫  
微泉記

習尚勤儉專力農桑

江南通志引郡  
志明統志同

和州

楚越之地飯稻羹魚不待賈而足地勢饒食無饑饉之患以故

砦窟踰生無積聚而多貧

史記

歷陽人性躁勁風氣果決自陳平之後俗頗尚清質好儉約

隋書

地理志

女工尚堅全男工尚墾闢市無蚩眩工無彫彤無遊人異物以

遷其志唐劉禹錫  
聽壁記

四民各安其業而儒雅之風尤甚州志

廣德州

力於南畝不務商賈漢書地理志  
今按廣德州漢丹陽郡地

民淳事簡號江東道院明統志引桐陽志  
江南通志引南畿志

境大壤沃食貨富穰宋曾鞏鼓  
角樓記

人性直好義君子業儒術而尚質樸小人崇節儉而務農桑婦

女不出戶閤富貴不服羅綺曾鞏鼓  
角樓記

六安州

舒六之貢利盡荆楚晉伏滔  
正淮論

率性真直輕商重農經

民淳俗樸安於稼穡士謹愿右文舊志

重修安徽通志卷三十四輿地志  
風俗



民力田疾作輸納以時庶幾家給人足

舊志

六地界南北剛柔適中文業武功彪炳史冊

州志

民勤稼穡士崇氣節皆以禮讓相先無復訟

州志

### 泗州

士習詩書民尚孝弟力田者多爭訟者少

隋書地理志

田稻豐饒俗慕儒學

方輿勝覽

其人好學尚禮義重廉恥其俗儉嗇

太平寰宇記

民性淳直詞訟簡少

中都志

文教誕敷人才輩出敦行務本閭里相讓

中都志

力農者多逐末者少學校有英俊之才鄉里無爭鬪之習

臨淮志

古稱壯縣民強而易馴以義

元揭傒斯記

天長民樸而愿士質而文

縣志

民俗淳厚以信行為先與涑泗接壤雍容文雅有古君子之風

明統志引

泗州圖冊

泗人性舒緩樸直城市之民不爲商鄉落之民鮮識字士習文

雅清恬愿慤學校畏清議仕宦顧名節

州志

重修安徽通志卷三十五

輿地志

城池一

古者設險守國，甃甃以爲城，卽鑿渠以爲池。凡以重藩籬嚴捍禦也。石城湯池，始於神農。周官掌固之設，掌修城郭溝池。若有山川，則因之。皖省屏蔽江淮，屹然保障，所屬各郡州邑，或陟在巘，或降在原，堅壁深渠，塹築或資地利。

聖世道德爲守，域民不以封疆，而修城浚隍，工役因時興舉。土宇旼章之厚，所由安如磐石而固如金湯也。潢池小沸，重見昇平，添築修葺所在，皆有述輿地志城池。

安慶府

府舊城卽今潛山縣城。通典云：楚靈王所建，歷代因之。宋嘉定

十年黃幹知安慶府以金兵破光州請諸朝徙城於盛唐灣宜城渡之陰去舊治百四十里卽爲今治其城北負大龍南瞰長江東阻湖西限河周九里一十三步門五東曰從陽東南曰康濟南曰盛唐今改鎮海西曰正觀北曰集賢西北舊有門曰萬觀元末賊潰築閉元至正十六年守帥余闕增高至二丈有六浚重濠三引江水環繞明洪武二十三年指揮戈預重修濬池深至一丈嘉靖二十年知府吳麟於城內周圍加甃以甃天啟三年知府陳鏞通判歐陽騰霄大加修葺崇禎八年知府皮應舉補其傾圯知縣黃配元續砌周城馬道增高北闕雉堞建敵臺濬舊濠

國朝順治二年左夢庚燬五城樓是年六月知府桑開第重建五樓七年夏雨城圯操撫李日芑知府王廷賓知縣賈壯修補復故十七年操撫宜永貴重修女牆合舊堞四爲一計七百五十

八塚設立窩鋪十六所敵臺四礮臺十六康熙四十九年城圯

巡撫葉九思知縣張懋誠修築按府志余忠宣濬濠三引江水

直達北門匪於段塘一自同安橋引水達清一自橫陽門橋引水

太平寺繞正觀門南門下與橫陽門濠合一自便民橋引水亦

匯清水插從今日外濠北達於段城明季知縣黃配元以流氛

告警加意城守會復三濠故道身荷春鏹以視厥成而日久月

深江水半不能引況地藏菴一帶為郡之來脈鑿之其土紅赤

異常有土毯大如栲栳者掘後人物從此凋喪城隨以潰知縣

賈壯培補之自是當永為封乾隆二十一年巡撫高晉修葺二

十八年巡撫託庸重修五十二年巡撫書麟補築嘉慶十三年

巡撫董教增修築同治元年江督曾國藩駐師在此於正觀門

外添築外郭自集賢門迤南直抵江岸門二曰金保曰玉虹

懷甯縣附郭

桐城縣

縣舊有城相傳卽隋同安郡故址門四皆有樓東賓陽南陽和

重修安縣志卷三十一五輿地志城池

五仙三仙通志卷三十三  
宋末徙治樅陽又徙池之李陽河元始還舊治城久傾圯明萬  
歷四年知縣陳于階建甌城周六里西北負山東西瞰河周圍  
八百二十七丈雉堞一千六百七十有二門六皆有樓東曰東  
作東偏曰向陽南曰南薰西曰西成西偏曰宜民北曰北拱崇  
禎八年知縣楊爾銘加高西北城二尺更設窩鋪礮臺併堞口  
一千八百有奇十五年知縣張利民以北山有臨下之勢於北  
門增建月城計十有八丈

國朝康熙九年秋雨城圯知縣胡必選修葺雍正十年重修乾隆  
二十八年知縣劉瓚道光二十二年知縣蔣鎔二十四年知縣  
史丙榮先後重修咸豐八年西城樓燬於兵同治九年重修

### 潛山縣

舊城卽府治故址久圯明崇禎丙子戊寅閒兵備道史可法知

縣柯友桂

江南通志作支桂

建城備寇工未竟庚辰洪水衝頽遂廢

國朝順治六年操撫李日芄與副將梁大用知縣鄭適元改築土

城惟東北仍舊城基西南收縮由高營壩至同安橋與東北舊

址接建四門康熙五年知縣周克友復修城之東北接於西南

舊址五十八年知縣段舒改築西南門乾隆二十八年知縣倪

廷模修

舊志作兆甯誤

道光二十一年水圯知縣李善旭修咸豐間粵

賊踞城毀西南隅收縮之十年知縣沈定均修增高四尺添築

砌樓礮臺深濬城濠

### 太湖縣

縣治舊有土城周七里北負山西南瞰河環城有池深廣各丈

餘門六皆有樓

東仁和西天畚南阜民北肅政東偏來春西偏德勝

明嘉靖四年知縣王

良卿修萬厯閒水漲東北成河崇禎九年知縣楊卓然建甌城

避東北水患收縮止周六里門六東曰長泰東偏曰靖海西曰鎮湖西偏曰永甯南曰匯江北曰馴龍皆有樓十七年知縣李威英重修門六易名者四東宣威西鎮武南懷德北安定尋經流寇水患六門傾圮

國朝順治二年知縣饒崇秩修補殘闕五年知縣李世洽重修康熙五年雨圮北城知縣羅綺修十一年雨圮西城知縣王崇曾修十三年知縣方人龍建東北兩城樓十九年知縣章時化修東西兩門乾隆二十四年大水城圮知縣吳易峯補葺二十八年知縣胡國濱重修易門名二東偏曰和令北曰皇華嘉慶十八年知縣邱文熙重修城樓道光二十九年知縣張寶鎔重修易門名三東曰揚仁西曰振武西偏曰永綏咸豐十一年鄂撫胡林翼駐師於此添砌樓六座同治九年知縣符兆鵬重修



宿松縣

縣舊無城明崇禎八年知縣苟天麒始築城隍外垣立門六東曰寅賓東偏曰集賢南曰薰阜西曰鼇奠西偏曰永濟北曰拱辰尋經寇燹工遂廢十三年外郭始就

國朝順治五年蛟水潰城知縣盧肇重修康熙十一年知縣朱維高造懸樓二十座二十二年知縣朱卷復造大小東門北門城樓及城垛一千四百二十有奇五十五年同知張鼎攝縣事於西南隅建化龍門五十八年知縣李泰修葺乾隆二十八年知縣張仁壽重修三十年復因水圯重修西南十餘丈嘉慶二十三年知縣陳國相修南門城樓道光八年知縣鄭敦亮重修北門城樓咸豐二年知縣劉東書重修同治七年小東門城圯合邑人集資重修

望江縣

縣舊無城明萬厯三年同知塞達署縣事始建門五皆有樓東曰清誠西曰嘉澤南曰廉恭北曰孝感東北曰翔鳳周六百二十六丈成鋪九十六年清誠孝感二樓災知縣羅希益重建崇禎八年知縣黃配元防寇增高舊制十一年春雨城壞知縣祝維嵩補築未及半流賊突至守將戚國泰躬負土石五晝夜而工成

國朝順治六年知縣王世允

江南通志作世印敬避字

重修城樓康熙五十三年知縣馬駿閉南門改建東南門咸豐十年知縣周景濂修葺

徽州府

城在烏聊山麓隋義甯元年汪華築東半抱山西半據平麓揚之水順城東北而西爲練溪環繞東南隅而下歛浦因以爲池

羅城周四里二步子城周一里四十二步唐中和五年又廣城

之南北總計九里七步咸通六年卽城之西北爲隄光化中因

隄增築名曰新城宋宣和三年改築溪北爲新州城四年因民

不便復居舊城知州事盧宗原築羅城啟六門

東富州西豐樂南表城紫陽北

通濟太平而子城遂廢乾道八年州守趙師夔集六縣民各新一門

嘉定七年欵令龔維蕃修築十三年知府宋濟因城南偪溪築

長隄以護城趾元復啟六門東曰新安西曰慶豐南北仍朱舊

名至正十三年浙東道元帥沙不丁重修明初總兵鄧愈加築

周九里七十步高三丈二尺廣一丈五尺東西三面有濠二丈

四尺深一丈二尺南及東南以山險無濠爲門五東曰德勝西

曰湖水南曰南山北曰鎮安東北曰臨溪自北門而東至南門

爲敵樓七門外各設兵馬司房窩鋪三十有三嘉靖四十五年

知府何東序增高三尺又建南山鎮安二門月城增築西門外敵臺

國朝康熙二十二年徵甯道黃懷玉知府林國柱重修乾隆二十八年知府李嵩年請修

歙縣

縣治舊在郡城外無城明嘉靖二十三年倭入寇知縣史桂芳始建城周七里有奇高三丈廣二丈西南以郡城爲屏蔽餘三面皆山不池而險爲門四南曰紫陽東曰閭政東北曰新安西北曰玉屏門各有樓門傍各有連弩之臺守陴舍二十有四瞭望樓二所

國朝乾隆二十八年知縣王廷琮請修今半圯待葺

休甯縣

縣城始築於宋

按太平寰宇記隋開皇十年改海甯縣爲休甯縣以邑城立郡唐武德初復移於蕙歲山舊城

理天寶九年移於舊邑西三十里卽周九里三十步

門六東曰迎春西曰

忠孝南曰班政北曰良安

元仍之明初城廢循民居周垣爲城

東南曰教甯西南曰美俗

嘉靖三十五年倭寇警知縣林騰蛟

建議重築廣輪九里三十步袤一千六百三十四丈高二丈五

尺厚如之月城二東二十二丈有奇南一十二丈有奇女牆三

千三百有奇池深一丈廣一丈五尺北踞天葆山城下有渠以

注填闕之水啟七門東曰萬甯西曰齊甯南曰玉甯北曰蘿甯

西南曰啟賢西北曰忠孝東南曰鍾秀城下石厚數尺引水爲

池由忠孝門西流環鍾秀門而匯於汶溪爲外池知縣潘清賈

竟其事

國朝因明之舊時加修繕順治十二年夏雨城壞知縣張天成復

築十三年春大雪城復壞張令修葺康熙二十一年知縣俞獻  
二十九年知縣廖騰燿乾隆十年知縣周其祚嘉慶十八年道  
光三年知縣何應松同治五年知縣吳繼志七年知縣劉中孚  
相繼修築

### 婺源縣

縣自唐開元中始立建治於弦高鎮

按此文有誤據縣志開元

治咸通初於縣界內置弦高鎮中和二年移治弦高鎮天  
復元年卽鎮營爲新縣天祐二年改舊縣址爲清華鎮向恃

險不城環縣皆深溪園抱南唐昇元二年都制置使劉津始築

接舛城周九里三步

此據縣志文江南  
通志作三十步

啟昇元二門宋因之元

立木棚爲四門

東曰迎恩西曰望越  
南曰臨江北曰來蘇

至正十八年邑人汪同以

樞密院判鎮邑因遺址爲城周五百三十一丈

門四東曰天澤  
西曰臨江南曰

星溪北  
日通濟

東西南各濬濠闊二丈深八尺今所謂水濠口是也明

嘉靖乙卯知府何東序通判馮叔吉議建石城俯瞰繡水旁臨杉潭爲門四東曰錦屏西曰寶婺南曰瑞虹北曰璧月俱有樓有月城又從民便增小門四曰環帶曰嘉魚曰保安今名曰絃歌亦有樓計城長九百餘丈又太白圍牆在邑南七十里太白潘村地接鄱湖屢被寇害嘉靖二十九年以里人奏請奉詔築周五里有奇

國朝道光十七年知縣陳溶重修縣城咸豐十一年邑人捐修女牆加高五尺

### 祁門縣

縣治自宋始築土城周五里二百四十七步門四

東連仙西望雲南朝京北

通

元因之明初城圯惟門尙存其西北更名寶林福廣東南則

仍宋舊名嘉靖四十五年知府何東序知縣桂天祥營築北循

石山西跨龍岡桃嶺繞樸墅並溪而上至於荷家陂與石山接  
周一千六十丈高二丈廣一丈三尺建五門東曰祁春西曰寶  
成南曰昌明北曰鍾秀東偏曰三元後改爲上元五門皆有樓  
又西北爲阜安門西偏爲水門北折稍東爲潤澤門下爲迎暉  
門環城則西北依山東南傍水

國朝乾隆二十八年知縣吳嘉善請修知縣周萬甯劉宸贊築竣  
並塞阜安門五十四年知縣謝蘭修築咸豐間西北城爲寇所  
毀十年大臣會國藩駐軍建北門二礮西門一礮同治七年東  
南樓堞爲蛟水衝圯

### 黟縣

宋築土城周二里二百五十步

門六東曰吉陽西曰望仙南曰通關北曰永甯東南曰桃源近

縣治曰景星

明堙成化時知縣吳一貫復建立四門嘉靖四十五年



知府何東序通判馮叔吉重建登以軀石周七百三十餘丈高二丈廣一丈二尺爲門五皆有樓東曰朝陽西曰環碧南曰明昌北曰臨章東南曰迎靄西南環以高岡東北以大河爲池後於迎靄明昌門閒闢門曰桃源崇禎七年復於迎靄門外築月城桃源門

國朝因之知縣寶士範江旣入曹振邦王景會相繼修葺乾隆二十八年知縣孫維龍復修規制如舊惟桃源門無樓櫓同治中知縣謝永泰添造堆房

### 績溪縣

宋築土城周五里元因之立門三

南曰新化北曰拱極西曰眉山

明初城廢因

民居周垣爲治立東門曰東作南北西皆因元舊嘉靖三年知縣李邦直重修三門十一年知縣李旦重建東門四十五年知

府何東序知縣郁蘭改築北枕五根山嶺西跨冠山馬山東臨  
揚之水南俯隆千周八百四十一丈高二丈廣一丈三尺門四  
皆有樓東曰玉障西曰望翠南曰華陽北曰屏鎮又啟小門三  
東賓陽西通濟北阜成水門二一在東一在西北以大河爲池  
萬歷九年知縣陳嘉策重建水門

國朝仍明之舊康熙十一年知縣劉滋修葺乾隆十二年復修五  
十七年知縣李鳳旦捐修今圯待修葺

### 甯國府

府城初創於晉內史桓彝今所謂子城是也梁太守何遠稍增  
築之隋開皇間刺史王選以宛溪形勢別築羅城廣輪至三十  
里宛溪貫其中唐乾符後屢被兵燹城廢巡檢柴克宏悉加修  
繕南唐節度使林仁肇築新城韓熙載記之建炎三年郡守呂

好問復修紹興初知縣李虔屬以輒暨周圍暨疊三十一年知縣任古急復行修葺慶元中知縣沈繼祖宋之瑞重修開禧二年知縣李澄更造各門樓四年知縣顏怡仲重葺元至正中廢訪使道童加以贅暨明洪武中知府鞠騰霄永樂中知府宋獻正統中知府葉錫崇禎時知縣梁應奇皆相繼修理

國朝順治七年知府管起鳳知縣王同春重修九年知府秦宗堯移址向內康熙七年城東南隅圯知府孔貞來復疊以石十九年知府王國柱知縣鄧性於東南城上置月臺乾隆十年知縣游得宜復加修整嘉慶元年知府劉寶篋重修東南月臺城高二丈五尺厚三丈周九里一十三步門五東曰陽德東偏曰泰和南曰薰化西曰寶成北曰拱極西北據山阜東南跨原隰宛句二水合流不經疏鑿舊堞一萬三千有奇崇禎時知縣梁應

奇併三爲二今共八千九百七十垞原鋪一十三所今計增一

百二十九所附南唐韓熙載宣州築新城記粵自結繩初代爰

已旋遞設金湯之險迨至七維闢土二霸專征其或盟約未孚  
則崇百雉以尊王室仇讐尙熾復嚴八襲而保邦家由是九服  
畏威諸侯述職式閭懋德仍垂裕於後昆定鼎洪基啟重光於  
奕世及其素靈有國炎政披圖未嘗不廣樹藩防久司方面帶  
河阻險將制敵以平艱高壘深溝遂取威而定霸爾后五方分  
鼎六代乘龍咸省高蹕前規重席故範雖復寢局靜拆已無伺  
隙之虞然後列郡通都常有磐石之固則知百王遺式歷代所  
因利用建侯率由斯道者也我唐中興三葉聖歷再周貞觀不  
遠飛沈自若義聲騰於九有靈光屹於八埏國步改康而關防  
益謹周張下武大展雄圖載習五兵克殲勦敵重營堅壁以制  
不庭乃詔甯國軍節度使檢校太尉同中書門下平章事都督  
宣州諸軍事宣州刺史濟南公案此新城者矣公擢陰陽之秀  
氣含川嶽之上靈才爲時生榮不世出心堅鐵石氣激風雲森  
武庫之戈矛杜私門之營壘負旒丹之勇竟折鏡以摧堅沈背  
水之機必追奔而逐北義征不諱方圖煙閣之形功濟多艱更  
鏤昆吾之鼎所以壘際天爵頻擁隼旟政理浹旬仁風載路牙  
帳荷絕甘之惠編閭興來暮之謠況甯國重藩宣城粵壤星分  
牛斗地控荆吳扼天下之咽喉作關東之襟帶雄加侯甸必須  
良將之籌謀勢壓江山賓假崇垣之壯麗於是特飛鳳詔命展  
金鼎公乃選五椽豐登三農閒隙遂敷心許因著土功是以將

校呈規工徒獻藝士皆樂往民以悅來荷長鍾以成雲陳豐春  
而翳日因高就遠以日繼時萬堞才成堅同石堡四門始畢儼  
若玉闕爰自壬戌歲二月興役至癸亥年三月畢工所築新城  
自金光門西北轉至舊城崇德門東北角長五里三百三十三  
步從崇德門以南轉至金光門東長四里二百三十步新舊城  
共長一十里一百九十三步新築濠塹亦從金光門遶新城轉  
送出大溪長八百九十四丈深三丈有餘造成大樓八所其諸  
教樓橋道等不可殫書公前在京口日濬溝池崇壁壘泊移鎮  
撫復繕城隍凡標準地形督責功力委鮑廷表必躬必親日入  
而休會無倦意牛酒犒士絲綸賞功士卒塗堅日月相望公又  
醲醑醴茶犧牲三日一餉軍夫五日一享將校由是萬民負耜  
咸悅豫以忘勞列校褰裳稟威嚴而盡力其勤也山迴地轉勢  
若奔雷其靜也雨息風恬齊如剪紙數年之役期月而成觀其  
千雉豐餘重門超忽飛閣神行如翬漢璫題月照以羅空層  
翼舒離極糾躍高牌迤而山屹方櫬豁以洞開排畫角以星  
下臨無地走長廊而雲布橫射遙天而又列一帶之寒江自爲  
天塹環千尋之深涵宛是湯池固可藩屏皇居折衝萬里者也  
懿乎哉城之爲役也暫勞永逸既不騫而不崩有倘無虞信可  
大而可久銘功勒石以播無窮其詞曰於赫有命洪惟我唐中  
興奕葉三聖垂光王猷永塞靈贖孔章賢士在位猛士守方王  
公設險以守其國重門擊柝以待暴客況此宣城國之閭閻不  
有金湯何爲控扼烈烈虎臣爰茲鎮牧廉問方期仁風鼓沐寅  
承廟算九因玉燭遠度土工乃陳春葦經之營之壘堞疏流萬  
尋引千雉雲浮石堡王闕鐵食金甌雄如九服麗絕方州飛

蒼鳳舉畫棟龍游壘碧霞今霧合巨長雲分翼舒何巨防乞可  
比視方城其茂如勳勳績於貞石作藩屏於皇居癸亥歲十月  
五日

宣城縣附郭

涇縣

元至元十三年縣尹施正大始建於今縣治未有城明正德間

知縣鄭氣始建三門

東延和西通津北賓陽

嘉靖四十二年知府羅汝芳

知縣陳廷芝始築城建四門東曰迎暉南曰保泰西曰文明北

曰拱辰又小東門一南北水關各一城外有濠沿河舊建石隄

萬曆二十四年知縣陳大綬自西門至北水關重築石隄十餘

丈改文明門曰水西崇禎七年知縣尹民興增築改拱辰門曰

拱極四城譙樓皆樹以碑八年又建月城於西門外又東北二

門新開河各造石埠二城上造礮臺四十座

國朝順治十六年知縣劉鴻磐築西門護城乾隆二年知縣阮彩  
重建四城譙樓二十九年知縣李元標奉文修葺舊志載城長  
九百三十一丈今周圍一千三十丈五尺垛口二千二十有奇  
水城高一丈九尺其修一百七十四丈六尺旱城高一丈一尺  
其修六十五丈一尺新建石陂長三十四尺其修護隄一百五  
十九丈五尺嘉慶五年河水衝損西南城知縣楊榮先詳請捐  
修工未竣而止道光八年知縣王友仁二十九年知縣鈕福疇  
相繼修葺同治五年大雨七年大水城圯十餘處待修

### 南陵縣

縣舊無城明正德間知縣胡文靖始立四門

東迎恩西饗堂下南麗正北拱辰

甃以石上置樓櫓嘉靖四十二年知府羅汝芳知縣邵永春始  
建城高二丈五尺厚三丈周九百三十六丈二尺雉堞四千八

百有六門四東曰寶應西曰瑞應南曰福應北曰靈應水關二  
西南曰偕樂東北曰後樂隆慶間知縣熊瑞開東南水關名曰  
禹雷萬厯九年知縣沈堯中增高三尺東重門曰春穀南重門  
曰陵陽西重門曰秋浦北重門曰赭圻增堞一百二十有三又  
因西北二門相距差遠於其中築臺增戍名曰靈雉崇禎間知  
縣甘文奎修靈雉臺改曰倚劍

國朝康熙五十三年知縣宋廷佐重修乾隆二十九年知縣陳應  
聯詳請拆修今高一丈九尺厚三丈周一千三百四十二丈垛  
口三千九百有五城樓八座門八名皆仍舊道光中知縣陳泰  
登修

### 甯國縣

縣城建於孫吳時宋南渡後以縣爲臨安藩蔽屢加修築置門



三元至正中白總管建北門明初太祖下其城塞之正德閒知

縣王時正重建四門

東振武西接文南秀水北明山

嘉靖中知縣范錫更復三

門名皆從民取義

東春秀西秋貢南南畝

加築北樓並環城警鋪七所濠

四

西南濠今湮

國朝康熙十三年知縣馬光重修定三門額東曰啟明西曰中鎮

南曰景陽又東關外一門曰斂福西關外二門南向者曰長春

北向者曰朝京雍正七年知縣劉鑑重修道光十六年知縣鄭

清彥十九年知縣雷時夏相繼修築

旌德縣

縣舊無城元元貞閒縣尹王貞立門四後燬明宏治十年知縣

姚貞建南北城門嘉靖四十五年知府沈忠言

江南通志作沈忠言

知縣

趙在度地築城西南北負山東瀕涇溪周八百九十二丈東西

徑六百五十步南北徑一千一百五十步高二丈厚一丈二尺

門七東三門正東曰中和偏南曰迎和今名通和偏北曰義濟西二

門近南曰大有今名慶豐近北曰永豐正南曰阜民正北曰近恩設

城樓七座警鋪十有二處引瀉溪水歷城西南而東北爲池萬

歷三十五年知縣鄭景濂於迎和門南立水關門今名通城中

水於瀉溪又於北門及舊察院前與南門俱設水關

國朝順治十四年知縣王融修迎和義濟兩門康熙八年知縣李

自竑江南通志作李士竑雍正八年知縣紀咸皆相繼重修乾隆二十八

年署知縣張善良詳請捐修道光十五年知縣胡元倡修同治

五年水圯八十餘丈知縣朱錫杰把總楊得標倡修義濟門城

樓

太平縣

縣北舊有宋城周一里二百一十步高八尺門四

日通津日甯達日承流日甯

宣化

久廢明宏治正德間知縣王雄朱守相繼立門五

南甯國西絃歌上東

門下東門北拱辰

然未城也嘉靖四十二年知府羅汝芳知縣顧鎰始

建城高一丈厚七尺周八百丈有奇門樓五石甃水關二萬厯丙子知縣張廷榜復加修築基廣一丈二尺高一丈八尺厚一丈上廣八尺石趾深丈有一尺上加以甃周九百丈有奇門仍五南曰文明東曰朝宗西曰絃歌北曰拱極西北曰和兌水關亦仍二其池水出霧山東流至縣治西南合三思橋下水過南門永濟橋折而東入麻川經東溪渡循城北去西北則倚山爲城無池

國朝乾隆二十九重修

池州府

重修安徽通志

卷三十五

輿地志

城池

三

池州府

府城相傳唐永泰間刺史李芄築

今按舊志李芄侍御史李芄

黃巢破後刺史

竇滂修復之立門六

東清溪西秋浦南通遠北望京東南九華西北鎮江

宋建炎中城燬

於寇知池州李彥卿重建周七里三十步嗣是李思重趙炎陳

賈傅伯召葉永漸徐橋相繼營葺嘉定十二年程宗仁修十六

年知州史定之復於城外西偏築新城如偃月狀端平二年知

州王伯大闢甕門三易秋浦門爲秀山門濬濠其外元時疊爲

兵燬明正德十二年知府何紹正創築全城西北仍舊陞而擴

東南隅三百餘丈其周一千四百二十八丈立門七東曰九華

西曰秀山南曰通遠南左曰毓秀南右曰鍾英北曰望京北左

曰迎恩門各有樓惟通遠九華秀山迎恩四門有月城警鋪十

六所嘉靖中塞望京門萬曆三年兵備副使馮叔吉知府王頤

加築增置門樓警鋪二十七處

國朝康熙十年知府樸懷玉知縣張應薇重建通遠門大觀樓乾

隆二十九年知縣王寅奉文修造城高二丈三尺趾寬二丈二

尺城上馬道半之其西北則因山為基焉道光二十二年知縣

裴寶善捐修成豐開樓堞多圯附明唐皋池州府甄城記分而

國都制封建原而郡邑與其法殊其勢一也故圭土以設治必

樹之君長以統眾之為之城郭以捍蔽之城也者所以威民也

民之所限以無越所恃以無恐者其猶在此城固不可無也周

官大司馬掌固之職掌修城郭溝池樹渠之固頌其土庶子及

其眾庶之守若達都邑則治其固與其守法其以九州之國周

知山林川澤之阻而達其道路設國之溝涂而樹之林以爲阻

則司險實掌之夫建邦土地與其人民凡地城廣輪之數亦以

圖而周知辨其民物而制其畿疆大司徒之職也掌固司險之

官城守藩塞之事不屬之司徒而列之司馬非以兵甲之藏寇

敵之禦有弗藉此者乎故城不可得而廢也明矣池之爲郡在

江南實要會地控引荆襄襟帶吳越雖有石城可據長江可憑

九華大雄天門金城諸山西洪大還龍口諸嶺可因以爲阻以

遇重流以壯畿輔然非有城郭其何以堅保聚永康遠耶郡舊

有城或曰肇於南唐疑非也蓋中和癸卯刺史竇滂所造也黃

巢虐池之二年漢始荏郡越明年而城成謂城於滂則可猶非

也滂之言曰自永泰至乾符戊戌歲是城也以李僕射爲始自

乾符至於今是城也猶不敢讓旁由此觀之謂城始於李僕射  
其可也城初易土以營得堅久之固由唐逮宋完好弗異元伯  
顏下江南毀焉迄今垂三百年無能舉廢者正德甲戌太守何  
侯繼宗竭來領郡值供億之甫休幸瘡痍之未斃故觀城壁弗  
備惕然有動於中而始事未遑及之惟是訪求民瘼警策吏倫  
剔扶奸蠹疏滌枉滯興學繕武掩骼埋殯及期月民用洽和  
爰以完城之役爲己任乃略陞經費程工選能授事大定詢謀  
僉同遂上其議於部使已盡可則首敘每資爲倡而部民之富  
者佐其費開民之貧者任其力賓佐屬吏之賢勞者又多其人  
鼓勇作怠爲費滋省而言言代代功功告成事弗愆素廣以步  
計者如千崇以丈計者如千工以人計者如千金以兩計者如  
千經始於正德丁丑夏王明年戊寅某月率眾而落之得壯觀  
焉郡人侍郎汪君德聲進士李君時望陳君功錫以狀來徵記  
夫天下之事涉於重且大者而有其廢之卒莫之舉其故何哉  
凡以當夫事者安於常而忘遠慮難於改作而恆於舉重也安  
故常者樂因循而不肯爲忘遠慮者限才智而不能爲其難慎  
者亦懷小嫌惜小費而不收爲以此親政胡以久以此臨民  
民胡以安國家所以任我者謂何而甘妮妮政胡以久以此臨民  
哉侯司是郡而成是舉其體國愛民之道於是乎在亦過人遠  
矣後之來者嗣侯之跡坐享其成於以展布其急則嚴保固折  
之下尋常則固內外時啟閉而消未萌之患蓄於指顧  
衝而收無窮之利茲侯之功視賢與李不既多歟雖然設險以  
守國城郭溝池以爲固有國者之所謹也要之增修德政固結  
人心而俾斯民親之信之赴之衛之有相保而無相捐是則無

形之險不固之固司民牧者所宜加之意焉不然恃險之勢以壹換之情崇舊之墟無以遏楚之軼幾何不速吳楚之氣也哉是爲記

### 貴池縣附郭

### 青陽縣

縣舊無城明嘉靖四十三年知縣田登年創築周八百三十二步高二丈二尺厚半之門四東曰賓陽西曰望池南曰對華北曰仰辰門各有樓及月城西偏有水關導水入城合城中諸水從北關出萬曆十五年知縣常道立於東南隅闢通儒門十八年知縣秦應鸞加築城北隅

國朝乾隆二十九年知縣聶學義奉文飭修規制如舊道光元年知縣孫爾修重修

### 銅陵縣

縣舊無城明萬曆三年兵備副使馮叔吉檄知縣姜天衢創築知縣黃縉繼成之門四東曰儀鳳西曰臨津南曰涌洲北曰惠泉門各有樓有月城又於東北隅各闢便門一共疏水洞一十有二十一年知縣熊盡臣移東門東向更名曰啟文移北門北向更名曰貞城後爲左兵所燬

國朝順治二年知縣蔣應仔劉曰義相繼修葺全城復完康熙十五年知縣裴國熙塞儀鳳門四十三年知縣勞心吾重加修築更臨津門曰濟川涌洲門曰涌泉四十六年復闢儀鳳門更名聚奎乾隆二十八年知縣周萬甯二十九年知縣劉大儒詳請修造計周四里垣七百丈高二丈二尺趾厚一丈三尺上殺其十之二濠溝如舊

石埭縣



宋寶慶中從七里舊縣移治今地立土城爲門十明嘉靖四十五年知縣會謹始以甃甃之高一丈六尺厚半之周三里一分立門五東曰來甯西曰金城南曰儀鳳南右曰清舒北曰望華門各有樓東西水關二堞口九百七十有奇

國朝乾隆二十九年知縣林京重修

### 建德縣

縣舊無城明嘉靖四十五年知縣譚經創築周五里高一丈八尺厚一丈據山臨河立門四東曰雞鳴西曰龍化南曰鳳翔北曰象馴門各有樓西北水關二城外藉茹蘭溪爲池崇禎十年知縣宛三奇以寇警加高四尺五寸又於城外建敵樓二座北郭外築土門城堞以衛城十四年知縣吳陶和於城南隅復闢一門曰文明後因火災遂閉十六年知縣李際明增建巡舍七

十二所

國朝乾隆二十九年知縣羅惟清重修高一丈厚七尺二寸周三里一分道光二十三年知縣方殿謨倡修加高三尺

東流縣

縣舊無城明萬厯元年知縣陳春創築周七百三十六丈有奇高一丈四尺立門五東曰迎曦西曰菊江南曰麗山西南曰通津北曰瞻極門各有樓崇禎中知縣許茂莘增高三尺知縣周鼎新塞瞻極門十七年知縣張雲章於城外復築土城環之濬濠爲限

國朝順治六年知縣蘇宏謨修復全城土城遂廢雍正七年知縣陸培乾隆二十三年知縣郭維二十九年知縣王楚士三十一年知縣熊于偃五十六年知縣孫豫吉皆相繼修葺嘉慶十六

年知縣吳箴詳請重修依水附山周四里垣七百三十六丈有奇水城二百七十四丈有奇水底石基高八尺厚倍之平城二百十丈有奇山城二百五十丈有奇皆基高二尺城高一丈四尺脾牆又加三之一咸豐二年知縣張世燾增築瞻極門麗山門外礮臺各一座

### 太平府

府城創建於吳黃武閒東晉太和七年桓溫重築並建子城於內爲今府治南唐保大三年復高廣之高三丈周十五里跨姑溪河宋太平興國九年知州王洞重修建炎三年知州郭偉改築新城割姑溪於城外減舊三之一爲今制周六里高三丈六尺厚稱之乾道三年知州吳芾始建五門城樓東曰行春西曰澄江南曰南津南右曰姑孰北曰清源淳熙四年知州楊倓增

修寶慶三年綦奎加築甕城增南北水關二明洪武間知府許  
瑗范常潘有慶相繼修築天順六年知府俞端指揮楊清重修  
萬厯十一年知府林一才剗內土之半鑲之以甌二十四年始  
闢東南之龍津門合舊門爲六崇禎十六年巡按御史鄭崑貞  
釐以青石四隅設堞樓增窩鋪五十一所沿城爲濠由東南開  
渠引水新壩東北出水爲梅莊牖以時啟閉水深而城益高

國朝康熙十一年知縣寇明允修西南城隅十五年知縣高起龍  
增修乾隆二十八年知縣高麟勳請修咸豐二年冬知府潘筠

基議捐重修甫興工粵逆下竄遂罷今頽廢大半附明王世貞

太平府修城記

太平古金陵支邑也後稍進爲郡與金陵俱倚

田土兵衛不能當其十之一然實據其上游爲之儲胥禦圍而  
制其命如古所謂左馮翊者當天下之割而且台北不得太平  
不可以窺金陵南不得太平金陵不可以守夫以太平之重若  
此而自明興二百餘年以來守土者安於平治之形而不暇省

其城低庫使弱者憑二尋之矜不必羽而登也所壁僅表而毋  
及衰隄不容軌土惡善潰不必淫霖而墮也萬厯辛巳壬午間  
莆田林侯來爲守恤民隱搜吏弊興士風諸所以稱塞守狀良  
悉顧以時周行睥睨而憂之謂卒有不虞如押憤何卽不穀  
狂前人苟簡及瓜以俟後之君子彼復狃我將焉官何所賴哉  
而會治兵使者程公按部來與林侯笑合乃上侯議督撫中丞  
孫公江防中丞呂公巡按侍御陳公得報可爲具疏聞之上下  
大司馬大司徒議報可下中丞侍御已復下程公程公下侯所  
與倅陳某當塗令楊某規度所增築爲堞者三千七百六十而  
贏其崇二丈三尺而贏裏垣之崇一丈六尺而贏所改飾爲麗  
譙者五爲津闔者三爲戍廬者三崇一百而贏計直爲中金一萬七  
千七百九十而縮謀之帑不足則陳公以千金益之程公再以千金益之  
十餘金爲之幹不足則陳公以千金益之程公再以千金益之  
孫公以五百金益之又不足則陳公以千金益之程公再以千金益之  
又不足則爲勇爵賜級以勸郡人某某及三千餘金益之林侯  
乃率屬其事屬與士卒分功於版築開蓋不閱歲而城成以書屬  
余俾記其事余嘗憶易曰王公設險以守其國未已而又曰重  
門擊柝以待暴客蓋取諸豫夫以大聖人而當取卦尙象時夫  
豈有暴客之足虞而制爲重門擊柝彼所以待暴客預變之計  
周且備也故曰緇有衣袵終日戒又曰其亡其亡繫于苞桑若  
世宗朝豈不亦重熙累洽哉一旦島寇卒起而大江以南佳麗  
之地其無城者城而庫且薄者悉其子女玉帛以餒寇三里之  
垣苟不至隤老弱荷擔而立乘高下瞰曰賊飽氣盡而走耳城  
之不可已也如是今幸臺察監司諸大夫與林侯合笑而固太

平不至大損縣官帑雖曰齊民之力而善用之說以先民民忘其勞咸相率赴事不歲而成百歲之偉功且因以爲金陵上游衛其事豈淺小哉雖然所謂有形險也無形之險在黔首林侯固已饒得之矣請以是風倅令及後之君子毋忽諸則永永有哉賴

### 當塗縣附郭

### 蕪湖縣

舊城宋建炎中墮明萬歷三年知府錢立議建工未竣同知龍宗武繼之至九年知縣周之翰乃歲其事周七百三十九丈高三丈立門四東曰宜春西曰弼賦南曰長虹北曰來鳳其東南金馬門自建城後越三十七年歲壬子始闢自南至西有上下水門二門各有樓

國朝順治十五年池太道宋之屏倡捐重修乾隆十年知縣曾尙增葺修近城無濠惟長河一帶匯流宣涇諸水經南城西達於

江有自然之險同治三年署知縣曾化南葺修

### 繁昌縣

縣自明天順元年徙今治以故城爲舊縣鎮至崇禎八年知縣羅明祖始議建城僅登三門而罷十一年知縣張繼會踵成之越二年霖雨復圯知縣馮洪攷以次修葺增置窩鋪城周六百四十六丈有奇高二丈門五東曰朝陽西曰威遠西南曰聚奎南曰迎薰北曰拱極皆有樓城垛一千六十有三警鋪三十有六水關二城東南西三面皆濠出潛港入於江歲久傾缺今東面濠

國朝康熙十三年知縣梁延年補葺乾隆十五年水壞聚奎門知

縣王飛熊修嘉慶二十二年知縣曹德贊道光二十二年知縣

陳文述重修

附

宋曾鞏繁昌縣興造記

太宗二年取宣之三縣爲太平而繁昌在籍中

繁昌者故南陵地唐昭宗始以爲縣縣百四十餘年無城垣而  
濱大江常編竹爲障以自固歲輒更之用材與力一取於民出  
入無門關賓至無舍館今治所雖有屋而庑漏破露至聽訟於  
廡下率積簿書棧列無所往往散亂而不可省而獄訟賦役失  
其平歷七代爲令者不知幾人恬不知改革日入於壞故世指  
繁昌爲陋縣而仕者不肯來行旅者不肯遊政事愈以疵市區  
愈以索賈爲鄉老吏民者羞且憾之事之窮必變故今有能令  
出囚民之所欲爲悉破去竹障而垣其故基爲門以通道往來  
而屋以取固即門之東北構亭瞰江以納四方之賓客旣又自  
大其治所爲重門步廊門之上爲樓斂教書置其中廊之兩旁  
爲羣吏之舍視事之廳便坐之齋寢廬泡福各以序爲之東西  
凡案牘簿書室而藏之於是乎在自門至於寢廬總爲屋凡  
若干白計村至於用工總爲日凡二千三百九十六日而落成  
矣夏希道太初此令之姓名字也慶曆七年十月二十六日此  
成之年月日也始繁昌爲縣止三千戶九十年間四聖之德澤  
覆露生養今幾至萬家田利之入倍他壤有魚鰕竹葦柿栗之  
貨足以自資而無貧民其江山又天下之勝處可樂也今復得  
令焉樹立如此使得無炭費而有巨防賓至不惟得以休耳目  
尙得以爲之觀令居不惟得以安而民吏之出入仰望者益知  
尊且畏之獄訟賦役之書悉完則是非尙而可定也予知縣之  
去陋名而仕者爭欲來行旅者爭欲遊昔之疵者日已減去而  
索賈者日以富繁稱其縣之名其必自此始夏令用薦者爲是  
縣至二十七日而計材以至於落成不惟興利除弊可法也而  
其變因循就功效獨何其果且速歟昔孟子譏子產惠而不知



爲政於戲如夏令者庶幾所謂知政者歟於是過子產矣凡縣  
之得令爲難而得能令而興事尤難幸而事興而得後人不廢  
壞之尤難也今繁昌民既幸得其所難得而令又幸無不便己  
者得卒興其所尤難皆可喜而無憾也惟其欲後人不廢壞之  
未可必也故屬子記之不特以著其成其亦有以警也

重修安徽通志卷三十六

輿地志

城池二

廬州府

府城之建莫詳所始漢獻帝時揚州刺史劉馥造合肥空城建  
立州治梁天建中韋叡攻合肥堰肥水潰城城遂廢隋開皇五  
年改築土城於今之治南名金斗城唐代宗時廬州刺史路應

求

按韓昌黎神  
道碑作路應

始加甃焉城初據金斗河爲池宋乾道五年淮

西帥郭振以鎮大城小拓其北跨河爲城名曰斗梁城守臣王

希呂等相繼修葺胡舜陟增置水關二元至正時城圯僉事馬

世德請發公私十萬貫錢修之余闕有記明洪武初虢國公俞

通海鑿西北濠深二丈五尺宏治中知府馬金修其廢缺周四

千七百六丈高二丈有奇厚四丈有奇斂八尺東濠深一丈九尺西濠深二丈五尺南濠深二丈三尺北濠深八尺門凡七東曰威武時雍西曰西平水西南曰南薰德勝北曰拱辰水關上跨水西下跨時雍爲金斗河流出入處正德中劇盜劉六等起知府徐鉦塞旱西門開水西門並築月城又慮水關難守乃築埭障之導水繞外濠以會於河後因霖雨城圯知府向文翬重修郡陞西南高而東北下每受水患嘉靖中知府張瀚疏河流以殺水勢萬厯中知縣胡震亨復建牖以防水涸崇禎八年知府吳大樸築石壩於東水關外其南又建敵臺後遭兵燬皖撫史可法知府周有翼知縣黃鐘鳴完葺如故

國朝雍正元年知縣李月槎乾隆二十八年知縣陳大中相繼興修嘉慶五年知府張祥雲知縣左輔重葺道光二十四年知縣

沈祥煦復修

附元余闕修城記

至正十一年寇起淮南自浙西

凡城所不完者皆陷合肥之城久圯倉卒爲備以守闕成賊大  
至民賴綱以完其後僉憲馬君至顧而曰以城完民幸也非可  
以固迺白皇孫宣讓王及憲使高昌公議修其城遂發公私錢  
十萬員召富人爲之千夫長百夫長者備小民相所圯廢盡築  
之官人得官發錢無甚費咸喜助不足小民方飢得傭錢奔來  
執事警戒不設鞭扑不施棰柴荷畚耨至竟作自十三年二月  
朔戒事九月畢城四千七百有六丈六門環爲睥睨設周廬具  
飾器門皆起樓櫓相盜所必攻者壁之計用木若千費四百四  
十餘萬門皆起樓櫓相盜所必攻者壁之計用木若千費四百四  
余生長合肥知其俗之美與夫所不從亂而盜不至者今期月矣  
其民質直而無二心其俗勤生而無外慕之好其材強悍而無  
孱弱可乘之氣當王師取江南所至諸郡望風降附獨合肥終  
始爲其主守至國亡乃出降天下旣定諸人爭出仕少不達則  
怨議其上而不可止吾合肥之民布衣蔬食秀者治詩書樸者  
服農賈婚表社飲合座數百人之民無一顯者無少疾怒不平之  
驅牛秉耒雞鳴而耕朝而息日無一而耕暮而息不耦而終十  
畝負二石之米而無外基之好故利不能誘強悍而無二心故  
盜不能欺勤生而無誅者木棚猶足力戰禦寇而無肯失身可  
乘之氣故兵不能誅者木棚猶足力戰禦寇而無肯失身可  
於不義者今而得賢使君修其垣墉救其疾苦猶持撫摩以與  
民守之而民之與君又歌呼愛戴與君共守城姑蘇今憲淮南  
惟無盜有亦不足憂也君前爲庸田僉事城姑蘇今憲淮南又

重修安徽通志卷三十六

二

城合肥一人之身而二郡之民賴之以有無窮之固儒者之利不其溥哉君名世德字元臣由進士第歷官應奉翰林文字樞密都事中書檢校肅田僉事又其官與余前後爲史氏城又余之所志而未成者也因爲紀之其執事與凡供役之人則載之陰碑

合肥縣附郭

廬江縣

縣治舊有土城元至正間邑人許榮創建周圍約五百丈高一丈有奇池深六尺廣二丈五尺門五曰鎮東曰桐城曰大西曰鳳臺曰北門明景泰間知縣李顯重修宏治間知縣胡暘因舊址重築上覆以瓦東南各立水關一正德七年知縣馬鎮於鳳臺大西門上鋪石作壘塞北門改設小東門嘉靖丙戌知縣周良會仍開北門名曰拱辰併以東作名東門西成名西門時阜名南門通濟名小西門賓陽名小東門門凡六新北水關一嘉

靖三十九年知縣湯彬修葺尋圯四十一年知縣劉裁重築移小東門於東水關萬厯初知縣軒尙朱李暘吉相繼以甌易土上闊六尺下闊九尺高一丈五尺周八百五十二丈二十四年知縣趙國琦重修崇禎三年知縣張雲鵠亦重修其傾圯十二年知縣耿廷錄因寇亂於城外築牛馬牆濬濠益深建重關併西南石壩二城守以完

國朝順治七年知縣孫宏喆重修十二年築南門滾壩雍正八年知縣陳慶門修葺乾隆二十七年知縣李天植六十年知縣史統順道光中知縣徐竑同治八年知縣周銘先後重修

### 舒城縣

元末邑人許榮始築土城明宏治十一年知縣安郁增築惟南城臨水甃以石嘉靖中知縣何偁始易以甌四十年知縣郭懋

欲盡築以甃工舉而未竣隆慶間知縣徐成位李棟姚時麟續  
建城樓五座萬厯中知縣陳魁士黃宗聖錢允燦朱世昌先後  
增築乃爲甃城周一千三十九丈高一丈五尺門六東曰迎恩  
南曰南舒西曰春秋北曰通元東南曰賓陽西北曰六安環城  
有濠崇禎十五年流寇據城雉堞盡廢知縣洪道令民以修城  
贖罪

國朝順治三年知縣丁時陞

縣志作陞

修治雍正七年知縣陳守仁重

修乾隆五十八年知縣周濂修築道光二十八年知縣鈕福疇  
重修增高尺餘今門東曰熙春南曰迎薰西曰慶成北曰拱辰  
西北曰永安東南仍舊

無爲州

宋初改鎮爲軍創營壁壘兩淮用兵乃築垣墉元末土人趙普

勝據之明初知州夏君祥

江南通志作趙君祥誤

始築城周九里三十六

步高一丈二尺闊七尺門六大東門曰楚澤亦曰朝宗

今名樓

曰明遠

今名寶旭

小東門曰東津樓曰倚雲南曰薰風亦曰移風

今名

得勝樓

曰九華西門曰大安樓曰稻孫北曰鎮淮

今曰迎恩

東北門曰

倉埠樓曰慶豐其後樂瓚復爲贅治正德五年九年屢加修築

嘉靖三十五年巡按御史吳伯朋用州人劉崙議興役建築城

址入土尺二寸外壘石三層甃磬至頂計高二丈二尺有奇周

一千四百九十一丈三尺有奇樓座六窩鋪十有二萬厯四十

六年久雨城圯知州陳賢才修築又於南門外建重關崇禎八

年因寇警加築併兩堞爲一仍修馬道九年毀六門石橋築滾

壩障水十年濬池濠深廣倍於昔

國朝順治六年城西南壞知州方安民修雍正九年知州張鑄修



乾隆三十五年知州張僑修六門城堞嗣知州張衍齡復修嘉

慶二年知州顧浩重修咸豐三年知州林蘭六年知州葉藩相

繼補葺附明徐階修築無為州城記其始為州故有城周若干丈

而圯今復城之者監察御史吳君伯朋也嘉靖辛亥壬子間倭

賊竊寇海上州人布政參議劉君崙以待御憂居言於同知今

按察僉事許君用中請城以爲之備而無爲去海遠眾相與迂

之不聽後三年倭賊益肆致焚燒郡縣劫守吏而取其藏天子

詔有司各得爲城自保於時計君已去州之吏無能任其事者

明年丙辰奉命按江北會寇犯淮揚遠近洶君歎曰是尚可

不急圖哉乃進州守何寵條公帑之羨得若干緡使具諸費而

召其民告語之使出力以供諸役民胥應無後始事於七月八

日凡爲日九十城成寇聞不敢犯州父老子弟相與樂其生而

頌君之功於是劉君走書京師請子記按志無爲縣廬州廬在

曹魏南宋蓋南北之界而攻守者所必先也其時高城固門

百倍他鄉而民之苦於兵革亦有甚焉者矣逮我朝混一區宇

列聖相繼禮教明法令一寇賊奸宄無所容其閒而廬又天下

爲中土其吏民宴然無復戰爭之慮故城之遺趾坐視其沒於

荒榛野草之中無復以爲省者夫豈非治平之徵而臣民之大

幸與然君子之爲政未嘗不以其身其天下之樂亦未嘗不以

其心先天下之憂城郭溝洫所以設險而守國者蓋不侯患之

既至乃爲之圖也若茲城之久而復沒也又豈非有司之失職

而論政者所深慨與自江南用兵以來戰守之務取倉卒以致  
喪敗者多矣彼其心非不盡知患之當備惟夫計迂習情而饒  
倖免諸其身故備之弗豫也無爲今巨州寇所窺也非賴吳君  
殆不免於焚劫然國家之制吏率以九載乃得去其官惟御史  
之出按則一年而代計吳君之日宜易以饒倖無事而獨汲汲  
平備以脫州人於兵火之中此其賢於世之君子遠矣子故爲  
記其事以告爲  
政者使知勸焉

### 巢縣

縣城自元時久圯守帥王珪因舊規營之明嘉靖初惟北門樓  
堞如故餘皆木柵知縣李謀築土城三十六年知縣嚴宏易以  
甃周一十二里高二丈三尺闊六尺西南臨河東北據山門四  
東曰朝陽西曰濱湖南曰迎薰北曰拱極隆慶四年知縣易可  
久增築北門月城萬曆八年知縣陳經言改建於縣東河德政  
坊崇禎十一年知縣甯承勳因寇警增城浚濠

國朝康熙七年地震城壞知縣于覺世補葺雍正七年知縣鄭瑒

重修乾隆二十八年知縣涂甯先嘉慶八年知縣魏象彩皆相繼修葺咸豐五年因禦寇加高城垣三尺許

鳳陽府

府城明洪武七年建周五十里有奇高丈餘皆土築惟東北甌

壘四里餘門十有二

曰洪武朝陽獨山塗山父道子順長春長

第其長秋父道子順三

門後裁九門名猶存

國朝乾隆十九年總督鄂容安請建城檄潁州府通判呂轍鳳陽

縣知縣鄭時慶董其事較舊城減小十之七八周一千一百八

十一丈高二丈爲門六東曰鎮濠西曰集鳳南曰肇慶北曰靖

淮皆有樓東南曰文治西北曰九華無樓同治五年知府湯壽

銘知縣俞熙重修

鳳陽縣

縣城附郭在府治西三里卽明中都城之裏城也明洪武五年建外城周九里三十步內城周六里東西南三面有池據江南通志二城俱甃甌石高二丈許門四無樓明時縣治在鳳皇山後城內無居人崇禎八年流寇犯境守監王裕民奏移縣治之民聚居於此

國朝康熙六年移縣治於城內乾隆二十三年知縣鄭時慶詳請修築二十六年知縣貢震始踵成之增建四門城樓因名其門東曰濠梁南曰鍾離西曰塗山北曰臨淮東西北三面有池皆寬十餘丈深一二丈乾隆二十年以府屬臨淮縣省入鳳陽縣臨淮城遂廢今爲淮水衝決城址爲積水區道光二十一年知縣劉夢松重修

### 懷遠縣

舊城相傳爲梁魏時建周世宗置鎮淮軍而城始大舊有五門

東再會西接王南青後廢明景泰元年知縣王道因故址修築  
龍北還京又小東門後廢明景泰元年知縣王道因故址修築  
尋圯正德六年知縣李豫城荆山為中都扞蔽旋亦廢嘉靖以  
來縣無城郭惟於各街巷門首署額以存舊制東曰賓旭西曰  
含輝南曰迎薰北曰朝宗小北門曰拱元小西門曰鳳池崇禎  
時流寇猖獗巡撫朱大典請築新城詔遣欽天監載圖知縣劉  
樾蒞董其事度地於淮河兩岸周三里二百餘步然地勢窪下  
徙民靡有應者

國朝因之咸豐閒居民始築石垣

定遠縣

縣城始於宋嘉定四年後燬於兵火明景泰元年重築土牆宏  
治十年知縣曾大有重修正德七年知縣楊麓易以甃石高二  
丈餘十四年知縣高壁重修題其門東曰毓秀西曰覽勝各有  
南曰南薰北曰興龍各有

樓崇禎八年知縣盧春蕙加城陴三尺陳鵬舉李彬修葺  
國朝順治十六年知縣徐三善重修四樓題其樓東曰來紫西曰  
薦爽南曰歌風北曰拱辰環城有池深二丈北池闊二十丈餘  
皆闊十丈康熙五十年知縣張景蔚雍正三年知縣郭兆夢乾  
隆二十八年知縣鄭基嘉慶十五年知縣范照藜同治元年典  
史張維藩縣人吳會相繼重修

### 壽州

舊城久堙宋嘉定間都統許俊重建周十三里有奇高二丈五  
尺廣二丈東爲池塹北接淝河西連西湖門四東曰賓陽西曰  
定湖南曰通淝北曰清淮

壽州鳳臺志  
並作靖淮

皆有樓凡警鋪五十有

五明正統二年指揮劉通正德六年知州吳節十二年州同梁

穀袁經嘉靖十七年知州劉永準御史楊瞻知州錢雍熙

壽州志作

錢永熙等踵修併建護城禦水石岸二十七年知州栗永祿修西

南隅三十四年知州鄭原彬三十八年知州呂穆感隆慶四年

知州甘來學萬厯元年知州楊淵四年知州鄭統

江南通志壽州志並作鄭

堽李鳳來先後修築

國朝順治六年大水城圯知州王業重修乾隆二十年知州劉煥

二十八年知州徐廷琳署州事沈丕欽三十三年知州席芑五

十四年知州蔡必昌嘉慶十二年知州靳天培知縣吳層雲十

六年知州陳之揆道光十七年知州饒元英咸豐三年知州金

光飭同治四年五年知州施照節次修葺又施照詳淮州西南

六十里有關曰正陽就民圩舊址改築城垣周七百丈四尺

據州

志勘冊並作七百二十丈高一丈五尺計四里三分女牆千三百七十垛門

五東曰朝陽曰引泉西曰襟江南曰解阜北曰拱辰

鳳臺縣

初與壽州同城雍正十一年分設鳳臺縣盡城之東北隅屬鳳臺由東門之右歷南門西門至北門之西屬壽州乾隆二十年知縣吉祿二十八年知縣沈丕欽重修五十八年知縣劉士煌請修同治三年移治下蔡有土圍二里餘五年西南水圯築石城數十丈

宿州

城建於唐元和四年築土爲之明洪武十年始壘石覆甃周六里三十步計長一千一百一十五丈每丈二垛連垛高三丈三尺廣二丈二尺

江南通志作高二丈四尺廣二丈五尺此據舊志宿州志

門四東曰望淮西

曰連汴南曰阜財北曰拱辰各設戍樓以嚴更守外築月隄以固隄防城上每里八鋪共四十九鋪每鋪宿州衛百戶一員鋪



重修安陽縣志 卷三十一  
兵八名城下周圍濬濠計八里一百八十八步歲久傾塞萬厯二十三年知州崔維嶽於濠內種荷兩岸夾植楊柳崇禎十年學正王域濬濠禦寇有功

國朝康熙十一年秋資東城傾壞知州呂雲英錯石於底盤甃於上以灰灌之修城堞傾圮者數百乾隆二年知州尤拔世補修嘉慶八年賊匪滋擾知州傅文炳重修十九年知州劉用錫請濬濠並築護城隄自東關東至西關西縣互九里有奇咸豐三年知州郭世亨添築城東北角礮臺署巡撫周天爵駐師於此重加修濬

### 靈璧縣

舊城墮於金明宏治八年知縣陳玉創築土城旋圮正德六年知縣陳伯安議循故址建城周六里有奇高一丈九尺廣一丈

五尺門四

東鹿鳴西鳳儀  
南望荆北來望

皆有樓池深入尺廣二丈周八里有

奇八年知縣邢隆續成之天啟初知縣別如綸崇禎十年知縣

王世俊修濬

國朝乾隆十八年通判徐廷琳知縣貢震奉文重修石垣高一丈  
六尺有奇甃堞高五尺有奇土趾厚二丈五尺有奇頂高八尺  
周一千一百八十丈復濬鳳河引睢水爲池更四門名東曰仁  
育西曰義正南曰成歲北曰佐陽咸豐六年知縣惲光業修濬  
有碑記

### 潁州府

舊城周四里高一丈八尺明洪武間指揮僉事李勝重建北城  
並月城名東門曰達淮西門曰通汴北門曰承恩小西門曰望  
湖後移於北改爲待詔門其南門卽鼓樓之舊土垣也正德甲

戊兵備道孫磐因禦流寇始釐以甌石工未竣兵備道曾大顯

踵成之

舊志孫磐列趙世相後萬歷二年知州趙世相按府志今據職官表名官傳改

趙世相係隆慶間任稍移西築南城與舊城合爲一周五里四

十四步北門仍舊東南西三門俱在新城易南門曰迎薰東曰

宣陽西曰宜秋俱有樓有月城城北倚潁水爲隍嘉靖二十年

兵備道蘇志皋萬歷初知州謝詔濬隍置牐崇禎八年兵備道

謝肇元重濬

國朝順治三年同知張可慶

舊作可慶今校改

修乾隆十三年知府王敘

福知縣侯茲十五年知縣王鎮潘世仁相繼修城建牐二十七

年署知縣丁文燦五十年知縣張護修城嘉慶二十三年知府

楊國楨知縣吳甸華道光五年知縣李復慶七年知府胡調元

知縣劉耀椿修牐劉耀椿並於六年修城咸豐八年知府才宇

和知縣劉夢松修濬並建石廟

阜陽縣附郭

潁上縣

舊有土城元季圯明初千戶孫繼達始建甌城周三里六十二步高二丈五尺門四東曰通津西曰潁陽南曰壽春北曰禾稔南北西三面有池東臨河嘉靖二十年兵備道蘇志皋濬之萬曆七年知縣屠隆築隄崇禎九年知縣廖維義重築併建敵樓二

國朝順治八年城圯於水知縣鮑宏仁

府志作高宏仁

修二百餘丈十二

年知縣翟乃慎修隄雍正五年知縣張志亨補葺東北二門餘築以土道光十年知縣黃應勻二十二年知縣程鉦咸豐九年知縣廷瑞相繼修葺同治三年駐防副將賀三元創建月城四

年知縣金灝六年知縣黃祺年修

### 霍邱縣

縣治舊惟土城無隍明成化間知縣高昇加以培築宏治五年

知縣王啟始覆以瓦濬濠深三丈闊一丈五尺

嘉靖間知縣陳表重濬見府志

正德七年都御史叢蘭按霍令民修築盡易甃石以鳳陽府通

判方賓董其事越八年知縣孫誠踵成之高一丈八尺廣二尺

周六里二百七十二步門四各有樓東曰寅賓西曰鎮淮南曰

來薰北曰迎恩

後改寅賓爲朝陽迎恩爲拱辰

西北隅大樓三小樓三十六周

圍有馬道知縣劉佐李棟周佩楊其善相繼修補明季羅兵燹

國朝康熙七年知縣姬之簋修葺增置更樓乾隆二十九年知縣

丁文燦請修並築城西護城坡岸四十九年城坡爲水損壞知

縣耿容錫重修嘉慶二年知縣左輔道光十年知縣劉廷槐修

城及坡岸咸豐十一年知縣英翰同治五年知縣楊式榮節次補葺六年知縣陸鼎敦增築土圩

### 亳州

州城舊爲古譙縣陞宋眞宗大中祥符四年謁太清宮賜州城門樓名西曰朝眞樓曰奉元北曰均禧樓曰均慶元汝南忠武王張柔自杞徙亳城北柞械翳不可入因率山前八軍城之明洪武初築土城二十二年調武平衛守禦宣德十年指揮周廣甃以甃石築陴濬隍周九百十三步高二丈五尺廣倍之宏治十一年知州劉甯指揮石璽增設城樓分列四門東望仙西望眞南武勝北吉慶

國朝雍正十二年知州盧見曾題城樓名

東曰起鳳西曰來紫南曰太和北曰望華乾

隆二十六年知州王鳴重修易門名東曰長垣西曰觀稼南曰

資慶北曰雲津嘉慶十五年知州李堯文重修十八年豫省河  
決水漫隄城知州李堯文復請修築道光二年知州任壽世重  
修城周九里有奇高一丈五尺基廣九尺隍池距城半里深一  
丈居民名曰海濠城形如臥牛一名臥牛城咸豐七年知州博  
銘倡建圍牆自舊城東北至西北隅長一千三百六十丈有奇  
高一丈七尺至同治三年工竣

### 渦陽縣

縣係新設同治七年署巡撫吳坤修巡撫英翰先後撥銀三萬  
兩建城九年工竣周七百十六丈五尺高一丈七尺有奇門四  
東曰崇升西曰溥澤南曰迎薰北曰拱辰並有城樓及月城附  
英翰碑記咸豐間余備員前行因以究心輿地形勢嘗建言國  
家州郡參伍互控淮北壤闊民悍如廬州之梁園靈  
壁之固鎮蒙亳開之雒河皆宜增縣遷吏用以招徠綏輯剽夷  
亂階於時軍興未遑也同治二年春僧邸軍出淮北余適刺宿

州生俘賊酋張落刑以獻其年夏叛人苗逆授首江淮擒靖於是前撫部喬  
在前行攻守斬賊閔七月苗逆授首江淮擒靖於是前撫部喬  
公今相國曾公申前議請卽雒河設縣而以古渦陽爲名奏聞  
報可工市料而難作方是時王師初定江甯粵西餘賊竄楚  
豫落刑死黨殘孽因依構煽僞郎不幸陣歿曹州賊乘勝跨河  
踰淮余時駐軍潁州念賊新集氣盛雉河地阻而便賊老巢也  
計惟我軍先據致賊以內固本根而外合羣師首尾並擊賊可  
聚而殲焉比結壘而賊至先是三年夏有司經始縣城土垣荒  
略材木貨賄侵藉露初比圍守事起倉卒軍饋不繼我軍樓櫓  
所資諸將吏餽原芻牧各營弁賞功卹死幸藉是而復濟焉方  
是時賊遽起環河而營我軍併力死守內儲不支外援咸絕閏  
五月己未余夾圍集練率諸將會軍河干辛卯殲賊高鑑六月  
乙未破田家寨三戰賊大崩丙申雉河解圍總四十有五  
皖省連歲用兵公私交罄是役也希築之資費於軍事且綴茲  
工之成余所爲歎歎反復而益樂道之者此也縣隸潁州其地  
截蒙亳均阜嶺得里四百得保四十四其官知縣典史校官各  
一其城高廣各若干丈壁工七年之秋竣工八年之冬初議城  
費諸矣李軍門良臣豪士也立輸七萬緡爲佐既費於軍未幾  
喬公有事秦中余忝代得楚南熊軍門思立躬任其事知縣事  
薛元起實左右之余爲節縮公費所存約萬金以付工不煩民  
期年而辦今年夏余奉命重撫是邦道河干縣人請記  
既嘉熊君之勞又以渦水之間余嘗用兵處其水之著名於經  
者又最古且大水也方明之季黃河決溢渦之源流幾不可辨  
詩曰高岸爲谷深谷爲陵古之人蓋嘗歎之獨渦云乎哉因書



且係以銘銘曰涇水曰海姬公所錄受沙入龍發源鳴鹿越百  
 千年蕩於大河涇濱之山曰狼曰駝余嘗逐賊於山之下水有  
 衰王山則終古涇陽舊城肇自元魏維茲新築下城父地新築  
 哉哉昔者賊巢伏莽惟狐集林惟鷄曾是赤子而陷於盜墜阮  
 落井天日不照借野奮戈版圖式復嗟我王民世食其福新  
 築伊始別機披榛薛君為政照民以春舊服既諸新時爰五墾  
 有詩書野無桴鼓嗟爾令賢民不令欺令克有終歌斯誦斯我  
 銘貞石奉宣  
 帝德於萬斯年視天罔極同治九年春二  
 撰月

太和縣

舊有土城周四里七十八步明正德九年亳州判官楊威加築  
 知縣趙夔甃以甌周一千八百七十九步高二丈二尺厚七尺  
 門四東曰順化西曰太平南曰天保北曰大義各有樓池深三  
 丈闊五尺隆慶三年知縣黃瑚闢小南門名曰文明縣志作崇文六  
 年知縣劉岵建東南門樓崇禎九年知縣吳世濟建北門樓  
 國朝順治十三年知縣夏雲從建東門樓十六年知縣陳大綸建

西舊作北今據縣志及吳旆碑改門樓嘉慶二十四年知縣吳旆重修道光八

年知縣陳葆森咸豐二年知縣林炳南教諭戴漢翔四年知縣

侯樞臣同治八年知縣王寅清相繼修濬附吳旆重建太和縣

城樓記嘉慶二十三年冬十月朔余自東流移知太和縣環視城垣其城樓僅存基址乃進邑中紳耆將因舊址而新

建之取昔悅率子弟負畚耜以從余乃爲之規畫鳩工庀材經始於己卯年六月明年三月告成計用錢二千五百緡有奇稽

城樓之建自前明遼陽趙公夔始築城於正德九年厥後到公

岍建東南門樓在明隆慶六年吳公濟建北門樓在明崇禎九

年我朝順治十三年夏公雲從建東門樓十六年陳公大綸

建西門樓事閱兩朝時論百載而城樓之制始備今余以數月

之間撥斷瓦頽垣而復數百年之舊制曾何德於斯土乃若斯

之剋期而成也抑惟以麥收之豐雨暘之時天之賜也其構材

作力則又民之勤也願後之賢者整葺以時既固既久無忘作新之自云

### 蒙城縣

舊有土城周九里三十步立西南及北三門其東則渦水環繞

未立門明景泰初知縣孫震修補正德六年知縣葉寬重建甃

城仍舊三門西曰中都西鎮南曰承薰北曰拱辰嘉靖間知縣劉繼先開東門名曰文明又建水門二十三年黃河水溢北城傾圯知縣劉宗鼎建議縮城僅周六里許天啟二年知縣呂希尚修崇禎八年知縣王化澄增修雉堞復建甕城十五年知縣楊子奇葺治

國朝順治八年知縣田本沛十二年典史余司韜康熙七年知縣竹綠猗皆續修乾隆十四年知縣葉履互復加修濬二十五年知縣甯鼈三十四年知縣淡如水嘉慶四年知縣玉福咸豐二年知縣宋維屏相繼重修五年賊毀六年知縣俞澍重築高一丈八尺長六百八十三丈有奇城濠深丈四尺廣三丈十年雨圯東城知縣蘇履中補葺同治三年知縣賀緒藩五年知縣盛安修葺東南兩門

滁州

舊有子城羅城相傳唐宋間築明洪武中拓爲今城周九里十八步高一丈七尺門六東曰化日小東曰環漪西曰永豐小西曰觀德南曰江淮保障北曰拱極有月城東西上下水關建於宋嘉定間明洪武中修濬跨沙河爲池萬厯十七年知州丁士奇建角樓四座

國朝順治十五年知州甯鳴玉康熙七年知州鄭邦相九年知州余國楷王賜魁相繼修葺道光閒知州李士林重修易甌以石咸豐六年知州陳麒昌濬護城河

全椒縣

舊無城明成化七年知縣張碧創建三門嘉靖三十七年知縣顧達始築城周二里有奇高厚各一丈門三東曰德成南曰德

明西曰永濟並有重樓襄河繞其後爲池萬曆四十三年知縣楊道臣修天啟三年知縣姚九官建北門曰永甯崇禎九年知縣方允昌增築近城關樓十二座

國朝康熙七年九年知縣藍學鑑乾隆四十一年知縣袁烜嘉慶元年知縣董瑄三年知縣安光祖九年知縣李名魁十八年知縣楊國棠二十二年知縣李復慶道光二年知縣趙華林同治四年知縣徐模先後修葺六年知縣陳德明修南門城樓

來安縣

明成化四年知縣趙禮始築土垣嘉靖三十五年知縣魏大用始易以甃周九百三十二丈高二丈門六各有樓東曰賓陽西曰慶成南曰迎薰北曰拱極小南曰崇文小西曰耀武萬曆四十六年知縣周之冕修崇禎十二年知縣吳志高鑿池深三丈

廣五丈

國朝康熙十六年知縣周家柱二十三年知縣喬嵩乾隆二十二年知縣李文勛相繼修葺道光閒知縣張世煥汪自修重修

和州

舊城相傳范增所築漢高帝令灌嬰還定江淮復築之名曰古羅城至宋時又築於歷陽明初知州張純誠更建爲門六束曰朝陽西曰臨湖偏西曰橫山南曰橫江偏南曰環江北曰香泉東西水關各一周十一里高二丈四尺環城有濠萬厯元年知州康誥於六門築重城各周十五丈內外皆甃以甗厚九尺高二丈二尺如內城之制崇禎八年流寇陷城樓堞皆燬十年知府萬民戴重修

國朝順治二年知州盧汝鵬修濬增設敵樓浮橋康熙中屢經雨

重修卷三十一  
三  
圮二十三年知州夏瑋王瑄繕治更門名朝陽爲寅旭環江爲  
薰阜橫江爲平康臨湖爲秩成橫山爲望舒香泉爲拱辰乾隆  
二十八年州紳周棫三十四年知州徐元知縣劉長城嘉慶四  
年知縣曜保相繼修葺同治六年知州游智開修南北二門並  
建羅城

### 含山縣

舊無城明正德七年知縣張文淵始築土城溶池周三里高一  
丈五尺池深廣各丈餘門四東曰朝陽西曰進賢南曰南薰北  
曰拱辰皆有樓嘉靖三十七年知縣葛麟易以甃石高厚倍於  
前

國朝順治四年知縣朱長泰康熙二年知縣范貞相繼增修乾隆  
十三年知縣梁棟修葺道光二十二年在籍知府王若閔捐修

咸豐三年知縣孔繼黃捐修旋經兵燹疊毀城垣同治五年知縣馮學培請修僅築東西南三面土城

### 廣德州

舊無城宋淳熙六年知軍事趙希仁創建六門設子城於內元

末傾圯明初元帥趙繼祖邵榮始建城爲門六

東迎春西崇德南明威北閔武

東南石溪今名秀水東北常州今名水關

周八里高一丈五尺廣八尺濠闊一丈六

尺深八尺宏治二年知州辛禮建城樓四所正德七年知州劉

節繚垣覆以瓦嘉靖三十二年知州莊士元始甃以甃併設垛

其上三十五年兵備道朱舜民建石門四有樓環城皆有窩鋪

萬曆二年知州吳同春增建裏牆二十三年知州段猷顯重修

四門更迎春曰瞻紫崇德曰望美明威曰兆符閔武曰拱極

國朝康熙二年知州楊苞重修更門名東爲熙春西爲安貞南爲



麗正北爲拱辰又於東南隅開古石溪門曰鍾秀乾隆三十九年知州恆豫五十六年知州胡文銓皆先後修葺

建平縣

舊無城明崇禎八年知縣侯佐始築周七百八十丈高一丈廣二丈五尺門四

國朝康熙四年知縣李景榮三十七年知縣茅成鳳俱修葺雍正六年知縣衛廷璞改建雉堞

六安州

有土城明洪武十三年指揮王志始甃以石正德七年毀於寇九年知州李袞指揮劉芳撤而新之增置敵臺二十七座周一千一十丈高二丈三尺闊如之池深一丈四尺闊七丈門四東曰朝京南曰鎮南西曰通濟北曰武定各有樓有月城南北水

關二窩鋪二十七座嘉靖三十二年知州邵惠久同知鄧向榮  
於北門西關便儲門隆慶間知州唐可封更名文昌門崇禎十  
五年爲流賊所陷通判羅傑知州徐潘等修築未竟

國朝順治間知州劉克孔康熙十六年知州王所善四十七年知  
州王廷曾雍正六年知州李懋仁乾隆十三年知州金宏勳周  
循三十年知州謝其炳嘉慶元年知州福明道光二年知州牛  
映奎十九年知州徐青照二十九年知州黃戊三十年知州宋  
培之咸豐八年知州茅念劬十年知州姚德賓十一年知州鄒  
笥同治二年知州何家驄五年知州曹光漢先後修葺

### 英山縣

元至元間築土城周三里後圯明以倚山帶河爲險城不復設  
宏治十二年盜起主簿徐璋承檄重築高一丈二尺闊五尺缺

東南隅因河爲濠門五東曰迎陽西曰聚悅南曰來薰北曰拱辰東北曰通衢嘉靖中知縣歐陽祥龍於城西南建石隄明末寇賊蹂躪遷徙不一城僅存基址

國朝仍復舊治乾隆十四年署知州王甌卜築西北垣六十餘丈葺四門城樓易迎陽曰慶春聚悅曰寶成餘仍舊道光二十二年知縣李文泉添設垛口易門名曰東作曰西成曰南安曰北拱東北曰營口又闢西南曰便運軍興後節年修整如初

霍山縣

古縣宋時廢爲故埠鎮元初平章曹某保障其地曾築土城明宏治七年知縣崔中吳霖因舊址相繼修築周一千一百丈高一丈二尺池深一丈闊二丈嘉靖間知縣陳中復增高一丈八尺又壘城北石隄以禦河水隆慶初知縣楊楠增石岸萬曆二

十四年知縣吳達修築北城明季寇燬知縣曾廷杰張相重修  
門四東曰啟明西曰長庚南曰崇壽北曰拱辰敵樓水關各一  
國朝順治中知縣樂元魁修水關康熙閒知縣徐天德開小南門  
名曰文明雍正五年知縣季崇楷乾隆十二年知縣吳學山皆  
續修二十八年知縣席紹凱道光十八年知縣謝莢相繼修葺  
咸豐初疊圯於水十年移建土城於六萬砦其舊城僅存基址

### 泗州

舊州治有東西二土城明初贅以甌石始合爲一隆慶萬厯中  
巡按蔡應陽李時成邵陞相繼修築崇禎時大水灌城郡守李  
希模穴城以洩水

國朝康熙十二年知州李德燿修城及隄十九年淮湖泛漲城遂  
淪陷寄治於盱眙山麓乾隆四十二年裁鳳陽府虹縣以州治

遷於虹城虹舊惟土堡明成化間知縣樊江修五門甃以石萬  
歷二十二年知縣任愚始建甃城周五里十三步高一丈九尺  
門四東曰永濟西曰永豐南曰永泰北曰迎恩皆有樓又水門  
四西北小門一敵臺八座池深九尺闊三丈城內汴河貫其中  
國朝乾隆二十三年知縣李允升葺治改州後嘉慶八年知州陳  
宏緒道光十三年知縣張應雲相繼修築

盱眙縣

縣城自六朝時嘗稱城小而堅舊有六門東曰陳門西曰玻璃  
門南曰南門北曰水門東北曰慈氏門西北曰積寶門宋嘉定  
十一年詔修盱眙軍城阻山帶河明永樂間圯今惟北門尙存  
名曰淮汴

天長縣

舊有土城周六里明嘉靖三十六年知縣黃泰然改建甌城周一千四十六丈有奇高二丈廣二丈七尺門四東曰啟文西曰崇本南曰長春北曰永福皆有樓嘉靖四十五年知縣楊子龍建崇禎五年知縣羅萬象七年知縣文廷高重葺

國朝雍正七年知縣毛貢重修咸豐元年知縣王書勳濬濠七年知縣景瑞補葺城東北隅

### 五河縣

舊有土城在五河口後爲淮水所圯嘉靖三十六年知縣高珍遷建甌城於滄河北岸周四里三十步高二丈三尺廣三丈四尺門三東曰賓陽西曰秩成南曰迎薰北無門建大忠祠於其上各有樓池深一丈五尺闊三丈六尺故壑十一座

國朝順治九年知縣丁裕初康熙二十二年知縣鄭鼎乾隆十九

年知縣魏應嘉同治五年知縣裴峻德俱修葺